



STRELJAČKI KLUB TARGET

LONG RANGE ELITE SHOOTING - TRAVNIK 2026

- PROPOZICIJE -

I. OPĆE ODREDBE

Takmičenje se organizuje u disciplini preciznog gađanja na daljinama od 100 m, 200 m i 300 m, uz striktno poštivanje sigurnosnih pravila i važećih standarda za sportsko streljaštvo. Pravo učešća imaju punoljetni takmičari koji posjeduju važeću dozvolu za oružje, a koji nastupaju kao pripadnici ili članovi sljedećih subjekata: streljačkih klubova, lovačkih društava, Oružanih snaga Bosne i Hercegovine, policijskih struktura i security agencija. Učešće je otvorenog tipa, uz obavezno pridržavanje svih zakonskih i organizacionih procedura utvrđenih od strane organizatora.

II. FORMAT TAKMIČENJA

Distance:

- 100 m
- 200 m
- 300 m

Divizije:

- **AR i AK platforma** – (2 x 100 m) – svi kalibri.
- **.308 Win** – (100 m i 300 m) – do 8,25 kg max.
- **Lovački kalibri** – (100 m i 200 m) – svi kalibri

AR i AK platforma - Gađa se na 100 metara. Dozvoljeni su svi kalibri. Dozvoljeni su mehanički nišani, red dot, optika uvećanje od 1-8x. Dozvoljeno je korištenje optike sa većim uvećanjima, ali takmičar puca sa maksimalnim uvećanjem do 8x. Takmičar puca probne hitce, nakon čega puca dvije serije po deset hitaca (deset ležeći stav, deset klečeći stav). Proba 5 minuta, dvije serije po 10 minuta, ukupno 25 minuta.

.308 Win – Gađa se na 100 i 300 metara. Dozvoljeni su mehanički nišani i optika bez ograničenja na uvećanje. Takmičar puca probne hitce, nakon čega puca dvije serije po deset hitaca (ležeći stav). Proba 5 minuta, dvije serije po 10 minuta, ukupno 25 minuta.

Lovački kalibri – Svi kalibri. Gađa se na 100 i 200 metara. Dozvoljeni su mehanički nišani i optika bez ograničenja na uvećanje. Takmičar puca probne hitce, nakon čega puca dvije serije po deset hitaca (ležeći stav). Proba 5 minuta, dvije serije po 10 minuta, ukupno 25 minuta.

Ograničenje: Maksimalna dozvoljena težina puške sa svim pripadajućim elementima je 8,25 kg.

III. MUNICIJA

Dozvoljena je isključivo fabrički proizvedena municija, u originalnom i neotvaranom pakovanju proizvođača. Upotreba ručno punjene (repunjene) municije, kao i bilo kakvih prepravki ili modifikacija fabričke municije, nije dozvoljena. Organizator zadržava pravo kontrole i provjere ispravnosti municije prije i tokom takmičenja.

IV. OPREMA I ASISTENCIJA

Organizator osigurava: mete, 10 takmičarskih mjesta, prostirke, te vreće sa pijeskom za naslon.

Takmičar je dužan obezbijediti vlastitu opremu, uključujući: oružje, municiju, zaštitnu opremu (slušnu i vizuelnu), spotera (ukoliko ga koristi), bipod, prednju i zadnju vreću (sandbag), binokular, kao i svu drugu ličnu opremu potrebnu za sigurno i efikasno učešće na takmičenju.

Dozvoljeno je fabrička i standardna oprema. Dozvoljeno je korištenje sljedeće opreme: bipod, prednja i zadnja vreća (sandbag), kao i uređaji za mjerenje daljine, brzine i smjera vjetra, balističke tablice (offline). Spoter je dozvoljen, ali nije obavezan.

Zabranjena je upotreba modifikovane oprema i opreme koja ugrožava sigurnost.

V. BODOVANJE

Bodovanje se vrši odvojeno po definisanim kategorijama takmičara.

Maksimalan broj bodova iznosi:

- 100 bodova po pojedinačnoj distanci,
- 200 bodova ukupno po kategoriji.

Shooting club TARGET, Travnik

U slučaju jednakog ukupnog rezultata, redosljed se utvrđuje prema sljedećem: bolji je tekmičar koji ima više pogodaka u centar „10“, ako je broj centara isti, broji se ko ima više „9“, pa „8“ i tako dalje. Ako se desi da dva ili više takmičara ima isti broj bodova i isti broj centara, devetki, osmica i tako dalje ide se na dodatno raspucavanje (shoot-off) od 5 metaka.

U slučaju da takmičar ima više od propisanih pogodaka u takmičarsku metu oduzima mu se najbolji pogodak.

Strogo je zabranjeno gađati tuđu metu.

VI. METE

Gađanje se vrši u standardnu kružnu metu tipa R50. Probne mete i mete za ocjenjivanje su jasno odvojene; probne mete označavaju se slovom „P“.

Takmičarske mete moraju biti propisno obilježene sljedećim podacima:

- oznaka divizije,
- broj partije,
- broj streljačkog mjesta,
- potpis sudije i strijelca.

VII. SIGURNOSNA PRAVILA

Svi učesnici dužni su striktno poštivati sigurnosne procedure, komande sudija i upute organizatora tokom cijelog trajanja takmičenja.

Osnovna pravila sigurnog rukovanja oružjem obuhvataju:

1. Svako oružje se uvijek tretira kao da je napunjeno.
2. Nikada ne usmjeravati cijev u nešto što se ne namjerava gađati.
3. Prst držati van obarača sve do trenutka neposredno prije opaljenja.
4. Biti siguran u cilj i njegovu pozadinu.

Dodatne obaveze takmičara:

- oružje se na strelištu van vatrene linije nosi isključivo u koferu ili torbi,
- oružje mora biti prazno i osigurano van linije gađanja,
- cijev mora biti stalno usmjerena u sigurnom pravcu,
- upotreba sigurnosne zastavice je obavezna kada se ne puca,
- strogo je zabranjeno svako neovlašteno rukovanje oružjem.

Svako kršenje sigurnosnih pravila povlači trenutnu diskvalifikaciju sa takmičenja, bez prava žalbe.

VIII. NAGRADE

Nagrađuju se takmičari koji ostvare prva tri mjesta u svakoj diviziji.

Za ostvarene rezultate dodjeljuju se:

- medalje i diplome,
- sponzorska oprema,
- novčane nagrade, u skladu sa odlukom i mogućnostima organizatora.

Organizator zadržava pravo definisanja strukture i fonda nagrada prije početka takmičenja.

IX. SPONZORI:

- (1) Tahir Lendo, premijer Vlade Srednjobosanskog kantona
- (2) Salkan Merdžanić, zamjenik predsjedavajućeg Skupštine SBK
- (3) Kenan Dautović, načelnik Općine Travnik
- (4) IK VRIJEME Zenica
- (5) BAZZA Travnik
- (6) MM TRADE Široki Brijeg
- (7) SHOT, Zenica
- (8) BH Telecom, Direkcija Travnik
- (9) Hotel IUT Travnik
- (10) Turistička zajednica Općine Travnik
- (11) EcoTon Sarajevo
- (12) Travnik Trans
- (13) Stage Coding
- (14) Pita Shop Travnik
- (15) Švago Electric Donji Vakuf
- (16) Pita shop Travnik

X. SMJEŠTAJ, ISHRANA I NAPITCI

Organizator ne osigurava smještaj za učesnike takmičenja.

U skladu sa postignutim dogovorom, Hotel IUT obezbjeđuje popust od 10% na redovne cijene smještaja za sve učesnike turnira. Kontakt e-mail: iuthotel@gmail.com; telefon: 030 509-300.

Organizator osigurava obroke i osnovno osvježenje za sve učesnike turnira u dane 23. i 24.05.2026. godine, uključujući:

- ručak,
- vodu,
- kafu.

Konsumacija alkoholnih pića je strogo zabranjena tokom trajanja takmičenja.

XI. ZABRANE I OGRANIČENJA

Radi osiguranja maksimalne sigurnosti, regularnosti i fer uslova takmičenja, definisane su sljedeće zabrane i ograničenja:

- upotreba alkoholnih pića, opojnih sredstava i bilo kakvih supstanci koje mogu uticati na psihofizičku sposobnost takmičara.
- konzumiranje alkohola na prostoru strelišta i u zoni takmičenja.
- korištenje municije koja nije fabrički proizvedena i originalno zapakovana.
- upotreba ručno punjene (repunjene) ili modifikovane municije.
- upotreba oružja koje nije registrovano ili za koje takmičar nema važeću dozvolu.
- neovlašteno rukovanje tuđim oružjem.
- gađanje van vlastite dodijeljene mete.
- napuštanje vatrene linije sa napunjenim oružjem.
- upotreba nepropisne, neispravne ili nesigurne opreme.
- sve radnje koje ugrožavaju sigurnost učesnika, sudija ili posmatrača.
- nepoštivanje komandi sudija i organizatora.
- svako nesportsko ponašanje, ometanje drugih takmičara ili narušavanje discipline.

Svako kršenje navedenih zabrana i ograničenja povlači trenutnu diskvalifikaciju takmičara i udaljavanje sa takmičenja, bez prava na žalbu.

XII. LOKACIJA

Strelište se nalazi na 4 kilometra sjevero-zapadno od Travnika na lokaciji:

<https://maps.app.goo.gl/sMDuy68KLLKeZQYm88>

XIII. ZAVRŠNE ODREDBE

Organizator zadržava pravo izmjene i dopune propozicija u slučaju tehničkih, organizacionih ili sigurnosno-operativnih zahtjeva, uz pravovremeno obavještanje učesnika. Prijavom na takmičenje svi takmičari u potpunosti prihvataju i obavezuju se na poštivanje svih navedenih propozicija, kao i odluka organizatora i sudijskog kolegija donesenih u toku takmičenja.

29.04.2026. godine



SK TARGET